



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

29 JUN 2022 (RABU)



KEMENTERIAN PERDAGANGAN DALAM NEGERI
DAN HAL EHRAL PENGGUNA

KERATAN AKHBAR DAN MEDIA ONLINE (KPDNHEP)

29 JUN 2022 (RABU)

Dua ditahan, 17 unit *android box* dirampas

PETALING JAYA - Dua lelaki ditahan kerana disyaki menjual kotak televisyen (TV) *android* atau *android box* yang mengandungi hak cipta terpelihara dalam serbuan ke atas tiga buah premis di sebuah pusat beli-belah, di sini pada 22 Jun lalu.

Pengarah Penguat kuasa Kementerian Perdagangan Dalam Negeri dan Hal Ehwal Pengguna (KPDNHEP), Azman Adam berkata, serbuan jam 12 tengah hari itu dijalankan hasil risikan pihaknya susulan aduan daripada pemilik hak cipta tersebut.

"KPDNHEP telah merampas sebanyak 17 unit alat teknologi penstriman berserta dokumen berkaitan disyaki mengandungi karya hak cipta yang diadukan dengan nilai rampasan keseluruhan dianggarkan berjumlah RM6,800.

"Pasukan serbuan juga telah menahan seorang lelaki tempatan dan lelaki warga asing keduanya berusia lingkungan 30-an untuk siasatan lanjut," katanya dalam kenyataan pada Selasa.

Ujarnya, siasatan dijalankan mengikut Seksyen 43AA Akta



Dua lelaki ditahan bagi membantu siasatan berhubung penjualan *android box* di sebuah pusat beli-belah di Petaling Jaya

Hak Cipta 1987 atas kesalahan melanggar pemilikan hak cipta menerusi suatu jualan teknologi penstriman berkenaan.

"Pihak KPDNHEP telah menambah baik Akta Hak Cipta 1987 melalui pindaan kepada Akta Hak Cipta (Pindaan) 2022 yang telah berkuat kuasa mulai 18 Mac lalu," jelasnya.

Azman menegaskan bahawa

pihaknya tidak akan berkompromi terhadap mana-mana pihak yang menjual alat penstriman yang mengandungi karya hak cipta diperolehi secara haram.

(Tambahnya, sebarang aduan boleh disalurkan menerusi talian WhatsApp 019-279 4317 atau 019-848 8000; hotline 1-800-886-800 dan e-mel; e-aduan.kpdnhep.gov.my.

Oleh Raja Noraina Raja
Rahim
rnoraina@hmetro.com.my

Petaling Jaya

Kegiatan tiga premis yang beroperasi di sebuah pusat beli-belah, di sini, menjual alat teknologi penstriman atau *android box* haram terbongkar hasil serbuan dilakukan Kementerian Perdagangan Dalam Negeri dan Hal Ehwal Pengguna (KPDNHEP), minggu lalu.

Dalam serbuan jam 12 tengah hari pada 22 Jun lalu, dua lelaki termasuk seorang warga asing masing-masing berusia 30-an ditahan kerana disyaki menjual peralatan berkenaan.

Pengarah Penguat kuasa KPDNHEP Azman Adam berkata, serbuan dilakukan susulan maklumat pemilik hak cipta selain risikan awal oleh anggota penguat kuasa selama beberapa hari.

"Hasil pemeriksaan ke atas tiga premis itu, anggota merampas 17 unit alat teknologi penstriman dan dokumen berkaitan yang disyaki mengandungi karya hak cipta diadukan dengan nilai keseluruhan dianggarkan berjumlah RM6,800.

"Pasukan serbuan juga menahan dua lelaki untuk siasatan lanjut," katanya dalam kenyataan, semalam.

Beliau berkata, kes disiasat mengikut Seksyen 43AA Akta Hak Cipta 1987 kerana melakukan pelanggaran hak

Jual *android box* haram

Tiga premis digempur, dua lelaki ditahan



“Anggota merampas 17 unit alat teknologi penstriman Azman

ANGGOTA penguat kuasa KPDNHEP melakukan pemeriksaan.

cipta dalam apa-apa karya dengan menjual suatu teknologi penstriman dan jika sabit kesalahan, boleh dipenjarakan sehingga 20 tahun atau denda antara RM10,000 sehingga

RM200,000 atau kedua-duanya.

Katanya, Akta Hak Cipta 1987 ditambah baik melalui pindaan 2022 yang berkuatkuasa mulai 18 Mac lalu dengan memberi penekanan dalam usaha membanteras pelanggaran hak cipta se-

cara dalam talian atau cetak rompak digital.

Selain itu, Azman turut mengingatkan peniaga supaya tidak menjual alat teknologi penstriman dan tindakan penguatkuasaan serta pemantauan berterusan akan dilakukan.





Minyak masak paket dijual jadi produk biodiesel

Kilang disita campur bekalan bersubsidi dengan minyak masak terpakai

Oleh Omar Ahmad dan Abdul Rahemang Taining
bhnews@bh.com.my

Pasir Gudang: Sebuah kilang di Kota Masai di sini disita kerana dipercayai menggunakan minyak masak dalam paket bersubsidi yang dibeli secara pukal dan dicampurkan dalam tangki minyak terpakai sebelum dijual semula kepada syarikat biodiesel.

Kegiatan itu menjadi modus operandi sebuah kilang yang menjalankan aktiviti pengumpulan dan penjualan minyak masak terpakai bagi meningkatkan kuantiti produk sebelum dijual

semula kepada pelanggan mereka. Penyelewengan itu dipercayai sudah berlarutan dalam tempoh setahun.

Difahamkan sekilogram minyak masak terpakai boleh dijual semula pada harga RM8 atau RM9.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Johor, Mohd Hairul Anuar Bolero, berkata serbuan ke premis itu dilakukan sepasukan anggota penguat kuasa KPDNHEP kira-kira 11 pagi, kelmarin.

"Premis yang diserbu disyaki menjalankan kegiatan ini dengan berselindung di sebalik aktiviti pengumpulan dan penjualan minyak masak terpakai.

"Premis ini disyaki menjalankan aktiviti pemindahan minyak masak bersubsidi ke dalam tangki, dengan cara memotong minyak masak plastik polibag (paket) dan mencampurkan ke dalam tangki minyak masak terpakai bagi mendapatkan kuantiti yang banyak untuk jualan dan keuntungan yang lebih.

"Dalam serbuan itu (kami) telah menemui dan menyita sejumlah 13.6 tan minyak masak yang disyaki dicampur minyak masak terpakai yang dianggarkan bernilai RM88,785.

"Kami juga menahan seorang lelaki tempatan berumur 30 tahun yang juga pemilik syarikat bagi membantu siasatan," katanya menerusi satu kenyataan semalam.

Hairul Anuar berkata, pihaknya turut menyita peralatan yang digunakan dalam aktiviti penyelewengan minyak masak bersubsidi serta rakaman CCTV di lokasi kejadian.

"Siasatan lanjut akan dijalankan terhadap pemilik premis itu. Bagaimana kilang ini memperoleh bekalan minyak paket, kita masih dalam siasatan. Semua akan disiasat setiap rantai.

"Kita tidak akan berkompromi dalam menguatkuasakan undang-undang untuk membanteras aktiviti penyelewengan subsidi barang kawalan demi kepentingan rakyat," katanya.

Kes disiasat mengikut Akta Ka-



Anggota penguat kuasa KPDNHEP menunjukkan minyak masak paket yang dipindahkan ke dalam tangki minyak masak terpakai di sebuah kilang yang disita di Kota Masai, semalam. (Foto Ihsan KPDNHEP Johor)

walan Bekalan (AKB) 1961 yang jika disabitkan boleh didenda hingga RM1 juta atau penjara selama tiga tahun atau kedua-duanya sekali bagi kesalahan pertama manakala bagi kesalahan kedua dan seterusnya denda tidak melebihi RM3 juta atau penjara tidak melebihi lima tahun atau kedua-duanya sekali.

Sementara itu di Semporna, Agensi Penguatkuasaan Maritim Malaysia (Maritim Malaysia) menggagalkan cubaan menyeludup keluar 340 kilogram minyak masak paket bersubsidi menerusi Ops Pluto Timur, kelmarin.

Pengarah Zon Maritim Semporna, Komander Maritim Norrimi Hassan, berkata anggota bot peronda mengesan sebuah bot tanpa pendaftaran dalam keadaan mencurigakan kira-kira 0.5 batu nautika arah utara Pulau Kulapuan, dekat sini, kira-kira jam 9.30 pagi.

Bagaimanapun, sebaik menyedari kehadiran anggota keselamatan juragan bot memcut laju ke

kawasan cetek sebelum melarikan diri ke kawasan daratan berhampiran dan gagal dikesan.

"Pemeriksaan ke atas bot yang ditinggalkan suspek menemukan sebanyak 340 paket minyak masak bersubsidi disyaki cuba diseludup ke negara jiran.

"Nilai keseluruhan rampasan termasuk bot bersama dua unit enjin sangkut dianggarkan berjumlah RM5,350.00 dan kes disiasat mengikut Akta Kawalan 1961," katanya dalam kenyataan.

Mengulas lanjut Norrimi berkata, sepanjang bulan Februari hingga Jun tahun ini, hampir tiga tan (2,953kg) minyak masak paket bersubsidi dirampas menerusi beberapa siri operasi yang dijalankan di sekitar kawasan perairan Semporna.

Katanya, siasatan lanjut masih dijalankan dan pihaknya percaya kegiatan penyeludupan barang kawalan terbabit didalangi sindiket membabitkan warga asing dan penduduk tempatan.

Bekalan paket 1kg seluruh negara habis stok

Kuala Lumpur: Bekalan minyak masak paket 1 kilogram (kg) bersubsidi kehabisan stok hampir di seluruh negara menyebabkan orang ramai mengeluh kerana sukar dapatkan komoditi itu yang menjadi antara bahan utama menyediakan hidangan keluarga.

Selain minyak masak paket bersubsidi tiada dan rak jualan di kedai runcit dan pasar raya kosong, lebih membimbangkan orang ramai ialah minyak masak botol juga semakin berkurangan dan bekalannya dijangka habis dalam sehari dua lagi.

Ada peniaga dan peruncit ditemui pula mendakwa sudah lama tidak menerima bekalan minyak masak daripada pembekal, bukan sahaja minyak bersubsidi dalam paket 1kg tetapi juga minyak masak botol yang akan ditamatkan subsidi Jumaat ini.

Tinjauan di kedai runcit dan pasar raya sekitar bandar raya ini mendapati premis berkenaan tiada stok minyak masak paket 1kg, tetapi bekalan minyak masak botol masih ada.

Pemilik kedai runcit, Yap Fung, 54, berkata pembekal tidak

menghantar bekalan minyak masak paket 1kg sejak minggu lalu.

"Minyak masak paket 1kg adalah barang yang paling dicari oleh pengguna. Apabila bekalan baru sampai, minyak masak terus akan habis dibeli oleh pengguna sehingga pekerja kami tidak sempat mempamerkan minyak masak paket 1kg di rak jualan."

"Saya meminta pekerja meletakkan minyak masak di kaunter pembayaran untuk mengelakkan pengguna daripada memborong ataupun melakukan pembelian panik," katanya.

Penjaja makanan, Mat Sidek Kasiman, 64, berkata setiap hari dia membeli minyak masak paket 1kg untuk makanan jualannya. Justeru, dia bimbang perniagaan terjejas jika minyak masak subsidi tiada.

Sementara itu di Kuantan, tinjauan di beberapa pasar raya mendapati mereka kehabisan stok minyak paket 1kg tetapi stok minyak masak botol dua dan lima kilogram masih ada.

Difahamkan, bekalan minyak masak paket satu kilogram itu habis dijual sejak kelmarin, wa-

laupun kerajaan mengumumkan subsidi tidak dimansuhkan.

Suri rumah, Faridah Jusoh, 57 berkata setiap kali ke pasar raya, dia akan mendapatkan satu atau dua paket minyak masak. Bagaimanapun, berikutan tiada stok dia kecewa kerana terpaksa membeli minyak masak botol yang lebih mahal dan membebankan golongan B40 sepertinya.

Di Kuching pula, kalangan peniaga mendakwa bukan sahaja bekalan minyak masak paket 1kg tiada, malah minyak masak botol berasaskan sawit juga sudah habis.

Seorang pekerja sebuah pasar raya yang ditemui berkata, semalam mereka ada menerima bekalan 10 kotak minyak masak paket, namun habis dalam masa tidak sampai satu jam.

"Orang ramai macam tahu bila bekalan minyak sampai. Sebaik sahaja kami mengeluarkan minyak itu, orang ramai mula berduyun-duyun datang. Walaupun kami hadkan hanya tiga paket untuk seorang pembeli, bekalan yang kami terima itu habis dalam masa singkat," katanya.

Pekedai runcit, Tay Kah Loy, berkata masalah bekalan minyak masak dialami pekedai seperti berikutan pembekal tidak menghantarnya sejak sebulan lalu.

Di Kuala Terengganu, kalangan pengguna meminta kerajaan memperbanyakkan lagi bekalan minyak masak paket 1kg berikutan minyak berkenaan menjadi pilihan pengguna berikutan pemansuhan subsidi minyak botol dua, tiga dan lima kilogram bermula Julai ini.

Pengguna yang hanya mahu dikenali sebagai Halimahton, 40, berkata, dia memilih membeli minyak paket kerana harga murah berbanding minyak botol.

Di Kota Bharu, tinjauan di beberapa kedai, mendapati minyak masak paket bersubsidi masih dijual seperti biasa dengan harga RM2.50 sekilogram namun dengan kuantiti tertentu bagi memastikan bekalan barangan terabit tidak terputus.

Pemilik kedai borong dan runcit, Nurul Huda Mohd Hussain, 37, berkata urusan dengan pembekal juga tidak bermasalah selain mi-

nyak masak masih dibekalkan seperti biasa dengan harga lama sehingga kerajaan mengumumkan nilai yang baru nanti.

"Sekarang minyak botol juga masih dijual pada harga semasa iaitu RM6.20 untuk satu kilogram, RM12.70 bagi dua kilogram serta RM29.50 untuk lima kilogram. Kedai saya tidak menjual minyak botol tiga kilogram kerana tidak mendapat permintaan tinggi," katanya.

Di Alor Setar, peniaga runcit dan pasar mini di sekitar daerah ini terpaksa menghadkan pembelian minyak masak paket 1kg bagi mengelakkan bekalan terputus manakala minyak masak botol pula semakin berkurangan.

Tinjauan di sekitar bandar raya ini mendapati, peniaga menghadkan penjualan tiga paket minyak masak kepada satu keluarga bagi mengelakkan ada yang membeli jumlah yang banyak.

Peniaga pasar mini di Alor Mengkudu, Nasyitah Hussin, 31, berkata dalam sehari dia hanya menjual 30 paket minyak masak walaupun permintaan bekalan minyak itu meningkat.





KPDNHEP Johor menumpaskan satu sindiket menyeleweng minyak masak subsidi dalam satu serbuan di Kota Masai, Pasir Gudang di Johor Bahru kelmari.

Sindiket seleweng minyak masak subsidi tumpas

'Kaut untung, campur minyak terpakai'

Oleh KHAIRUL MOHD. ALI

JOHOR BAHRU – Kementerian Perdagangan Dalam Negeri Dan Hal Ehwal Pengguna (KPDNHEP) Johor berjaya menumpaskan sebuah sindiket menyeleweng minyak masak bersubsidi untuk dibungkus semula dalam satu serbuan di sebuah kilang di Kota Masai, Pasir Gudang, di sini kelmari.

Pengarah KPDNHEP Johor, Mohd. Hairul Anuar Bohro berkata, pihaknya berjaya menahan seorang lelaki berusia 30 tahun yang merupakan pemilik syarikat untuk membantu siasatan.

Menurut beliau, dalam serbuan berkenaan pihaknya berjaya merampas 13,610 kilogram minyak masak yang disyaki telah dicampur bersama minyak masak terpakai dan peralatan digu-

nakan bernilai RM88,785.

"Serbuan yang dijalankan sekumpulan enam orang pegawai dan anggota KPDNHEP Johor pada pukul 11 pagi itu mendapati sindiket berkenaan menjalankan kegiatan tersebut di sebalik aktiviti pengumpulan dan penjualan minyak masak terpakai (used cooking oil).

"Premis ini disyaki melakukan pemindahan minyak masak bersubsidi ke dalam tangki dengan cara memotong minyak masak plastik 'polybag' dan mencampurkan ke dalam tangki minyak masak terpakai bagi mendapatkan kuantiti yang banyak untuk jualan dan keuntungan yang lebih," katanya dalam kenyataan di sini semalam.

Tambah Mohd. Hairul Anuar, pihaknya komited membanteras aktiviti penyelewengan dan keti-

risan minyak masak bersubsidi bagi memastikan bekalan minyak dapat dinikmati rakyat Malaysia.

"Tindakan dibuat di bawah Akta Kawalan Bekalan (AKB) 1961 yang mana jika sabit kesalahan boleh didenda sehingga RM1 juta atau penjara selama tiga tahun atau kedua-duanya sekali bagi kesalahan pertama.

"Bagi pertubuhan atau perbadanan pula denda tidak melebihi RM2 juta bagi kesalahan pertama dan RM5 juta bagi kesalahan kedua dan seterusnya. Sehubungan itu, siasatan lanjut akan dijalankan terhadap pemilik premis tersebut," ujarnya.

Menurutnya, orang ramai diminta menghulurkannya maklumat berhubung perbuatan penyelewengan minyak masak bersubsidi kepada KPDNHEP bagi kesejahteraan bersama.

Lebih 13 tan minyak masak subsidi tiruan dirampas

PASIR GUDANG - Kementerian Perdagangan Dalam Negeri dan Hal Ehwal Pengguna (KPDNHEP) Johor merampas 13.6 tan metrik minyak masak bersubsidi yang diseleweng dalam serbuan di sebuah kilang di Kota Masai di sini pada Isnin.

Pengarahnya, Mohd Hairul Anuar Bohro berkata, seorang lelaki tempatan berumur 30 tahun dan merupakan pemilik syarikat ditahan ketika operasi melibatkan enam anggota penguat kuasa KPDNHEP pada jam 11 pagi.

"Premis yang diserbu disyaki menjalankan kegiatan ini di sebalik aktiviti pengumpulan dan penjualan minyak masak terpakai.

"Aktiviti pemindahan minyak masak bersubsidi ke



Anggota penguat kuasa KPDNHEP memeriksa tangki minyak masak terpakai di sebuah kilang di Kota Masai pada Isnin.

dalam tangki dilakukan dengan cara memotong minyak masak plastik polibag (peket) dan mencampurkan ke dalam tangki minyak masak terpakai bagi mendapatkan kuantiti

banyak untuk jualan dan keuntungan yang lebih," katanya menerusi kenyataan pada Selasa.

Menurut Hairul Anuar, sitaan turut dibuat ke atas

peralatan bagi menjalankan aktiviti haram tersebut.

Katanya, nilai rampasan dianggarkan bernilai RM88,785 dan kes itu disiasat di bawah Akta Kawalan Bekalan (AKB) 1961.

"Jika disabitkan kesalahan, denda sehingga RM1 juta atau penjara selama tiga tahun atau kedua-duanya sekali bagi kesalahan pertama, manakala bagi kesalahan kedua dan seterusnya denda tidak melebihi RM3 juta atau penjara tidak melebihi 5 tahun atau kedua-duanya sekali.

"Bagi pertubuhan atau perbadanan, denda dikenakan tidak melebihi RM2 juta bagi kesalahan pertama dan RM5 juta bagi kesalahan kedua dan seterusnya," katanya.

Dua dicekup jual android box

PUTRAJAYA - Kementerian Perdagangan Dalam Negeri dan Hal Ehwal Pengguna (KPDNHEP) merampas 17 unit alat teknologi penstriman (android box) bernilai RM6,800 dalam serbuan di tiga premis berasingan di Petaling Jaya, dekat sini pada 22 Jun lalu.

Pengarah Penguat Kuasa KPDNHEP, Azman Adam berkata, serbuan dilakukan hasil maklumat pemilik hak cipta serta risikan awal pihaknya.

Ujar beliau, KPDNHEP turut merampas dokumen berkaitan disyaki mengandungi karya hak cipta seperti yang diadukan pemilik hak cipta.

"Selain itu, kami turut menahan dua lelaki termasuk seorang warga asing berusia ling-

kungan 30-an untuk siasatan lanjut.

"Mereka disyaki melakukan kesalahan di bawah Seksyen 43AA Akta Hak Cipta 1987 iaitu melakukan pelanggaran hak cipta dalam apa-apa karya dengan menjual suatu teknologi penstriman," katanya menerusi kenyataan akhbar semalam.

Katanya, jika disabitkan kesalahan boleh didenda tidak kurang daripada RM10,000 dan tidak melebihi RM200,000 atau penjara maksimum 20 tahun atau kedua-duanya.

Tambah Azman, KPDNHEP telah menambah baik Akta Hak Cipta 1987 melalui pindaan kepada Akta Hak Cipta (Pindaan) 2022 yang telah berkuat kuasa mulai 18 Mac 2022 lalu.



PENGUAT kuasa KPDNHEP memeriksa salah sebuah premis dalam serbuan di Petaling Jaya baru-baru ini. - IHSAN KPDNHEP



NURUL Huda memeriksa bekalan minyak masak di kedai borongnya. - Gambar NSTP/NIK ABDULLAH NIK OMAR

Bekalan cukup!

Kota Bharu: Bekalan minyak masak pekiet di kedai pemborong dan peruncit, di sini, masih mencukupi tanpa berlaku pembelian panik selepas kerajaan mengumumkan penghapusan subsidi bagi minyak masak botol mulai 1 Julai ini.

Tinjauan di beberapa kedai mendapati minyak masak paket bersubsidi dijual seperti biasa pada harga RM2.50 satu kilogram, namun pembelian dihadkan kepada pelanggan bagi memastikan bekalan tidak terputus.

Pemilik kedai borong dan runcit, Nurul Huda Mohd Hussain, 37, berkata pihaknya masih menerima bekalan minyak masak seperti biasa dengan harga lama.

"Sekarang minyak masak botol masih dijual pada harga semasa iaitu RM6.20 untuk satu kilogram, RM12.70 bagi dua kilogram serta RM29.50 untuk lima kilogram.

"Saya juga mengambil langkah dengan mengawal kuantiti pembelian minyak masak pekiet bagi memastikan setiap pelanggan termasuk peniaga dapat membeli untuk kegunaan masing-masing.

"Bagaimanapun, saya berharap harga (minyak masak botol) baru tanpa subsidi nanti tidak terlalu tinggi, kerana bukan sahaja membebankan pembeli, tetapi juga peruncit dan pemborong seperti saya," katanya.

Minyak masak paket 'lesap', sukar diperoleh

Kuantan: Bekalan minyak masak paket 'lesap' di beberapa pasar raya di daerah ini, namun stok minyak masak botol dua dan lima kilogram masih boleh diperolehi di pasaran.

Difahamkan, bekalan minyak masak paket satu kilogram sukar diperolehi di pasaran sejak Ahad lalu walaupun kerajaan mengumumkan subsidi tidak dimansuhkan.

Suri rumah, Faridah Jusoh, 57, berkata, setiap kali ke pasar raya, dia akan mendapatkan satu atau dua bungkus minyak masak paket.

Bagaimanapun, katanya, bekalan itu sudah habis dan



Dengan harganya yang lebih mahal, ia memberi kesan kepada saya yang dikategorikan golongan B40. Sebaiknya kerajaan memantau dan melakukan pemeriksaan berkala untuk memastikan bekalan minyak masak paket tidak terputus"

Faridah

berasa kecewa kerana terpaksa membeli minyak ma-

sak botol.

"Dengan harganya yang lebih mahal, ia memberi kesan kepada saya yang dikategorikan golongan B40. Sebaiknya kerajaan memantau dan melakukan pemeriksaan berkala untuk memastikan bekalan minyak masak paket tidak terputus.

"Ini kerana bukan semua orang mampu untuk membeli minyak masak botol kerana harganya lebih tinggi," katanya.

Sementara itu, peniaga gerai makan yang mahu dikenali sebagai Tie, berkata sejak minggu lalu, dia berdepan kesukaran untuk mendapatkan bekalan mi-

nyak masak paket.

Katanya, dia terpaksa pergi ke beberapa pasar raya untuk membeli minyak masak berbanding sebelum ini hanya di sebuah premis sahaja.

"Sebagai peniaga jika bekalan minyak masak terputus bekalan, ia akan menyebabkan saya tidak boleh berniaga.

"Oleh itu, pihak berkuasa terutama Kementerian Perdagangan Dalam Negeri dan Hal Ehwal Pengguna (KPD-NHEP) perlu mempertingkatkan pemantauan untuk menjamin bekalan minyak masak sama ada paket dan botol dijual di pasaran," katanya.

Jadi saksi penyelewengan minyak



PARANG TUMPUL
JUNHAIRI ALYASA

Saya tidak menyangka akan menyaksikan sendiri di depan mata penyelewengan minyak masak paket bersubsidi pada Ahad lalu di pasar raya Giant yang terletak di Ibu kota.

Kelihatan seorang lelaki membawa satu kotak minyak masak paket bersubsidi ke kaunter bayaran.

Tiba-tiba, seorang gadis yang merupakan juruwang di pasar raya tersebut memarahi lelaki berkenaan.

"Tadi awak sudah datang beli 25 paket minyak, hendak buat apa banyak-banyak? Sekarang ambil lagi 25 paket."

"Tak boleh macam ni, orang lain pun nak guna minyak juga," herdik juruwang tersebut.

Terkejut dengan teguran keras gadis berkenaan, lelaki itu bertindak meletakkan kotak yang mengandungi minyak masak paket tersebut dan berlalu

pergi.

Keberanian yang ditunjukkan oleh juruwang itu yang menegur perbuatan lelaki berkenaan memang patut mendapat pujian, malah pada saya juruwang ini juga wajar diberikan penghargaan terhadap tindakannya.

Dia telah menunjukkan sikap sebagai seorang warganegara yang bertanggungjawab dan memikirkan kepentingan orang lain. Dia ibarat wira yang tidak didendam dan ada dalam kalangan rakyat.

Berbalik kepada tindakan lelaki itu pula, saya tertanya-tanya dengan perbuatannya membeli 25 paket minyak masak itu.

Jika dia berjaya membeli untuk kali kedua, ini bererti dia akan mendapat sebanyak 50 kilogram minyak masak subsidi yang berharga RM125.

Jika dia hanyalah pengguna biasa, untuk apa dia membeli begitu banyak? Adakah dia ingin gunakan untuk mandi? Atau sekadar untuk membuat stok simpanan kerana bimbang bahan tersebut dijangka habis menjelang 1 Julai nanti?

Atau mungkinkah dia seorang penjual dalam talian yang menjual minyak masak paket dengan pakej tertentu ber-

tujuan untuk mengaut keuntungan mudah?

Mungkin juga dia seorang peniaga yang menggunakan minyak masak tersebut untuk kegunaan di kedainya?

Apa jua persoalan, kita biarkan sahaja misteri lelaki tersebut bermain dalam minda, tetapi perbuatan memborong minyak masak bersubsidi memang tidak boleh dikompromi.

Kejadian yang berlaku di depan mata saya itu membuktikan penyelewengan minyak masak bersubsidi bukan satu hal kecil.

Baru-baru ini, Perdana Menteri, Datuk Seri Ismail Sabri Yaakob mengatakan bahawa subsidi minyak masak paket mencukupi untuk memenuhi keperluan rakyat, khususnya golongan B40.

Jelasnya, minyak masak yang disubsidi oleh kerajaan ialah sebanyak 60,000 tan metrik sebulan dan ia melebihi keperluan sebenar pengguna iaitu sebanyak 55,000 tan metrik sebulan.

Ismail Sabri berkata, tiada sebab bahan itu tidak mencukupi dengan jumlah minyak masak yang disubsidi oleh kerajaan mencatatkan lebih 5,000 tan metrik sebulan berbanding keperluan sebenar pengguna.

Saya amat berharap agar kerajaan dan pihak kementerian membaca pengalamatan yang dilalui ini.

Jika benarliah keperluan mencukupi untuk memenuhi keperluan rakyat terutama dalam kategori B40, bagaimana hasil tinjauan yang dilakukan akhbar ini mendapati minyak masak paket sukar diperolehi.

Nampaknya kerajaan perlu cari mekanisme yang lebih baik untuk memastikan ketirisan minyak paket bersubsidi supaya ia benar-benar sampai kepada golongan sasaran.

Pada masa ini minyak tersebut bukan sahaja menjadi sasaran peniaga kerana harganya yang murah, malah, ia turut diseludup ke luar negara.

Berdasarkan laporan portal *The Nation Thailand* pada Mac lalu, harga bagi satu-liter minyak masak di negara itu ialah RM7.74 berbanding minyak masak bersubsidi di Malaysia yang berharga RM2.50.

Ini menjadikan minyak masak negara kita yang jauh lebih rendah akan memberikan keuntungan berganda kepada penyeludup.

* Junhairi Alyasa ialah Pengarang Berita Sinar Harian



Penulis MOHD AZMI
ABDUL HAMID
Pengerusi Majlis Penasihat
Pengguna Negara (MPPN)

Salah satu tujuan subsidi adalah untuk merendahkan atau mengurangi tekanan harga barang yang dibayar oleh pengguna atau pembeli.

Dalam pasaran, subsidi pukal atau *blanket subsidy* dianggap intervensi untuk menurunkan harga demi menjaga kepentingan golongan berpendapatan rendah.

Subsidi pukal biasanya diperuntukkan untuk barangan asas. Apabila pihak kerajaan menguatkuasakan ketetapan harga maksimum (harga siling) untuk barangan terpilih maka harga pasaran lebih terkawal.

Terdapat beberapa lagi jenis atau mekanisme subsidi, antaranya subsidi dari segi barang seperti subsidi baja kepada petani atau subsidi diesel kepada nelayan.

Banyak kajian termasuk dari Universiti Cambridge yang menyatakan subsidi tunai terus kepada golongan sasar adalah yang terbaik dalam mengurangkan ketirisan. Ketirisan boleh dalam bentuk yang tidak layak pun menikmati subsidi apabila penyelewengan dan kebocoran dari segi salahguna, manipulasi dan penyalahgunaan.

Sungguhpun demikian, dalam sistem pasaran, subsidi boleh membawa implikasi terhadap bekalan yang tidak menentu jika kos pengeluaran meningkat dan penyaluran subsidi tidak diurus dengan baik.

Tujuan subsidi adalah untuk meringankan kos sara hidup rakyat terutama golongan B40. Kos sara hidup yang perlu

dikawal tertumpu kepada makanan, utiliti, kesihatan, pendidikan, perumahan dan pengangkutan.

Senarai ini dianggap keperluan asas. Jika kos pengeluaran yang disenaraikan itu meningkat, biasanya kerajaan akan mencari jalan apakah mekanisme yang sesuai dalam penyaluran subsidi.

Apapun, syarat utama ialah jika kewangan kerajaan mengizinkan. Sebaliknya jika kewangan kerajaan terlalu terbeban, subsidi perlu disemak semula.

Subsidi pukal disalurkan oleh kerajaan dengan cara membayar sebahagian kos pengeluaran secara langsung kepada pengusaha yang mengeluarkan barang seperti penanam, penternak atau pemerosi. Dengan subsidi pukal, pengeluar diharap dapat menstabilkan bekalan dan menurunkan harga di semua peringkat rantaian tanpa mengganggu margin keuntungan yang munasabah.

Akan tetapi apabila kos pengeluaran meningkat seperti kos input dan tenaga buruh, subsidi mungkin tidak mampu menampung sebahagian kos pengeluaran. Perbekalan akan terjejas dan kos pengeluaran terus meningkat. Apatah lagi jika input pengeluaran melibatkan import dari luar.

Dalam keadaan inilah situasi pasaran berdepan dengan persimpangan. Bekalan tidak stabil manakala subsidi tidak dapat ditambah atau diteruskan kerana beban ke atas bajet negara akan meningkat.

Natijahnya, kerajaan terpaksa mencari jalan keluar sama ada menambah subsidi atau subsidi dihentikan atau subsidi diurus secara bersasar.

Pengumuman , kerajaan yang terbaharu bahawa mulai

“Mulai 1 Juli 2022 harga siling baru ayam akan diumumkan menunjukkan harga pengeluaran yang telah meningkat dan subsidi harus dikaji semula.”

1 Julai 2022 harga siling baru ayam akan diumumkan menunjukkan harga pengeluaran yang telah meningkat dan subsidi harus dikaji semula. Dijangka harga akan naik sedikit, tetapi rakyat harus bersyukur kerana kerajaan mendengar pandangan semua pihak termasuk rakyat dan meneruskan kawalan harga sumber protein utama Keluarga Malaysia itu.

Walaupun demikian, pihak berkuasa perlu bekerja keras untuk memantau agar tidak berlaku pencatutan iaitu peniaga mengambil kesempatan untuk meraih keuntungan berlebihan melalui harga yang tidak munasabah. Lebih-lebih lagi barang-barang yang dihasilkan dari ayam.

Kita tidak mau sejarah berulang. Harga gula naik satu masa dahulu, harga minuman naik tidak masuk akal seolah-olah 1kg gula digunakan untuk menghasilkan satu gelas atau cawan minuman.

Di samping itu, sindiket kartel perlu dibendung agar persaingan sihat menjadi amalan perniagaan di Malaysia yang akhirnya akan menguntungkan pengguna dari segi harga dan bekalan.

Isu global

Isu kenaikan harga barang sebenarnya sudah global dan sepanjang zaman sifatnya. Bekalan dalam negara sememangnya dapat menampung keperluan domestik, namun bergantung kepada import dari luar menjadikan keadaan bertambah rumit.

Pertama, negara pengekspor kini mengehack



eksport kerana faktor perubahan iklim dan konflik yang tercetus di beberapa negara pengeluar.

Kedua, harga import berlipat kali ganda kerana nilai pertukaran mata wang ringgit yang merosot dan permintaan yang meningkat dari negara-negara pengimport seperti negara kita. Dalam erti kata lain, ekonomi negara kini tersepit.

Memang benar, pihak kerajaan telah berusaha untuk melaksanakan Dasar Pertanian Negara dan Dasar Jaminan Makanan yang mapan.

Akan tetapi, oleh kerana Malaysia adalah negara perdagangan (trading nation), perubahan di peringkat ekonomi global turut menjejaskan pelaksanaan dasar-dasar tersebut.

Kini, pertanian berasaskan makanan menjadi penting dan perlu diutamakan kerana ianya akan mengugut sekuriti dan kedaulatan makanan negara. Malaysia yang sebelum ini menumpukan kepada sektor pembuatan dan perkhidmatan, kini harus kembali memberi tumpuan kepada pertanian makanan.

Subsidi perlu disemak semula terutama subsidi cukai kerana ketirisan yang besar dan membazirkan khazanah negara sedangkan pengeluaran dan bekalan perlu stabil. Kawalan harga mungkin tidak relevan dan pasaran harus dibenarkan

untuk melaraskan harga berdasarkan bekal.

Namun, dengan Akta Kawalan Bekalan 1961, Akta Kawalan Harga dan Anti-Pencatutan, Akta Perlindungan Pengguna dan Akta Persaingan, kerajaan harus memastikan tiada elemen pencatutan, tiada sorokan barang keperluan dan tiada monopoli serta kartel yang menggugat harga di pasaran.

Pihak kerajaan perlu menyemak semula skim subsidi yang selama ini dilaksanakan. Bajet berbilion ringgit untuk subsidi perlu disalurkan secara strategik dan tepat terutama untuk pembangunan negara dan rakyat.

Sementara itu, peniaga perlu sama-sama mainkan peranan dan tidak mengambil kesempatan dengan meningkatkan harga sewenang-wenangnya. Budaya berniaga yang beretika sangat diperlukan untuk membangunkan ekonomi yang lestari dan mampan.

Pengguna pula tidak mempunyai pilihan melainkan benar-benar mengamalkan kepenguasaan bermaklumat, bijak dan berwaspada. Jika perlu, pengguna harus membuat perubahan atau pelarasan dalam gaya hidup mereka termasuk menggunakan hak untuk memilih dan kuasa beli mereka untuk mempengaruhi harga di pasaran.



 Senarai Harga Barangan Keperluan	• Ayam	RM7.99	• Telur Gred A	RM12.45	• Gula Pasir	RM2.85	• Cili Merah	RM10
	• Daging Lembu Tempatan	RM42.99	• Ikan Kembung	RM13.90	• Bawang Besar Holland	RM3.19	• Kabis Bulat Tempatan	RM5
	• Daging Lembu Import	RM53.90	• Minyak Masak	RM6.50	• Bawang Putih	RM5.50	• Tepung Gandum	RM2.30
*Harga (RM/kg) Sumber: KPDNHEP								



KERATAN AKHBAR DAN MEDIA ONLINE (AGENSI KPDNHEP)

29 JUN 2022 (RABU)

MyCC nilai laporan siasatan kartel industri ayam

Anggota suruhanjaya bersidang, akan buat keputusan

Oleh Mohd Nasaruddin Parzi
bhnews@bh.com.my

Kuala Lumpur: Anggota Suruhanjaya Persaingan Malaysia (MyCC) yang bersidang semalam akan membuat keputusan berhubung siasatan yang dijalankan berkaitan dakwaan kewujudan kartel dalam industri ayam.

MyCC menerusi kenyataan memaklumkan, ketika ini pasukan khas yang ditubuhkan untuk menjalankan siasatan itu sedang meni-

lai laporan penyiasatan terbabit.

Mengulas lanjut, katanya, sekiranya terdapat bukti kewujudan kartel, keputusan cadangan mengikut Seksyen 36 Akta Persaingan 2010 akan dikeluarkan terhadap pihak berkenaan.

"Namun, sekiranya tiada bukti menunjukkan unsur pelanggaran, MyCC akan menutup penyiasatan selaras Seksyen 16 akta sama," katanya.

MyCC juga berkata, selepas keputusan cadangan itu dikeluarkan, pihak berkenaan akan diberi peluang bagi mengemukakan pembelaan mereka melalui representasi bertulis atau secara lisan kepada MyCC.

"MyCC kemudian akan mengeluarkan keputusan akhir untuk menentukan sama ada berlakunya pelanggaran atau tidak mengikut Akta Persaingan 2010.

"Sekiranya ada pelanggaran, MyCC akan mengenakan penalti kewangan sehingga 10 peratus daripada pusing ganti seluruh dunia dan/atau pengenaan arahan tertentu yang dianggap wajar oleh MyCC," katanya.

Terdahulu MyCC memaklumkan suruhanjaya diketuai Pengerusinya, Datuk Seri Mohd Hishamudin Md Yunus dan lapan anggotanya bersidang semalam, untuk pembentangan laporan penyiasatan oleh pasukan khas berkenaan.

Pasukan khas itu ditubuhkan awal Februari lalu untuk menyiasat dakwaan terdapatnya pelakuan antipersaingan merangkumi perjanjian antipersaingan atau penyalahgunaan kedudukan dominan dalam pasaran yang boleh meningkatkan harga barangan dalam pasaran industri ayam. BERNAMA

MYCC nilai laporan siasatan kartel dalam industri ayam

FOTO: ROSLI TALIB



Sekiranya ada bukti kewujudan kartel, keputusan cadangan di bawah Seksyen 36 Akta Persaingan 2010 akan dikeluarkan terhadap pihak berkenaan.

KUALA LUMPUR - Suruhanjaya Persaingan Malaysia (MyCC) menerusi pasukan khasnya sedang menilai laporan penyiasatan mengenai dakwaan kartel dalam industri ayam.

MyCC dalam satu kenyataan memaklumkan, suruhanjaya itu yang diketuai Pengerusinya, Datuk Seri Mohd Hishamudin Md Yunus dan lapan anggota MyCC bersidang pada Isnin, untuk pembentangan laporan penyiasatan oleh pasukan khas berkenaan.

Menurut suruhanjaya itu, sekiranya terdapat bukti kartel, keputusan cadangan di bawah Seksyen 36 Akta Persaingan 2010 akan dikeluarkan terhadap pihak berkenaan, namun jika tiada bukti yang menunjukkan unsur-unsur pelanggaran, MyCC akan menutup penyiasatan selaras dengan Seksyen 16 akta sama.

"Setelah keputusan cadangan di-

keluarkan, pihak yang berkenaan akan diberi peluang untuk mengemukakan pembelaan mereka melalui representasi bertulis atau lisan kepada MyCC," menurut kenyataan itu.

Kemudian, MyCC akan mengeluarkan keputusan akhir untuk menentukan sama ada berlakunya pelanggaran atau tidak di bawah Akta Persaingan 2010.

"Sekiranya terdapat pelanggaran, MyCC akan mengenakan penalti kewangan sehingga 10 peratus daripada pusing ganti seluruh dunia dan/atau pengenaan arahan tertentu yang dianggap wajar oleh MyCC," menurut suruhanjaya itu.

MyCC menubuhkan pasukan khas tersebut susulan arahan daripada Majlis Tindakan Sara Hidup Negara (NACCOL) awal tahun ini bagi menyiasat dakwaan kartel dalam industri ayam. - Bernama